

## Prag

sa posjetom Drezdenu, Karlovim Varima i Beču



Datum: 29 apr 2019 - 04 maj 2019

### 1. dan SARAJEVO – ZENICA – BANJA LUKA – PRAG

Polazak iz Sarajeva u 16:00 sati ispred Zemaljskog muzeja; polazak iz Zenice u 17.30 sati ispred hotela International; polazak iz Doboja u 19.15 sati sa Gazprom pumpe; polazak iz Banja Luke u 21.00 sati sa stare autobuske stanice (provjeriti 3 dana prije putovanja tačno vrijeme i mjesto polaska autobusa). **Noćna vožnja** kroz Hrvatsku, Sloveniju i Austriju.

### 2. dan PRAG

Dolazak u **Prag** u podnevnim satima. Po dolasku obilazak Praga: **Hradčani** – praški dvorac sa manastirom Strahov, manastirska biblioteka iz 17. vijeka, katedrala Sv. Vita i kapela Sv. Venceslava, novi i stari kraljev dvorac, Loreto, Zlatna ulica, Mala strana. Potom razgledanje centra grada: Karlov most, crkva od Tina, Starogradski i Vaclavski trg, šetnja i upoznavanje sa centrom grada. Nakon obilaska smještaj u hotel. Slobodno vrijeme za individualne aktivnosti. U večernjim satima fakultativno vožnja brodom po Vltavi gdje ćete uživati u romantičnom pogledu na znamenite lokalitete uz zvuke čuvenog Bedžiha Smetane. **Noćenje.**

### 3. dan PRAG – KARLOVE VARI – PRAG

**Doručak.** Nakon doručka mogućnost organizovanja fakultativnog izleta u **Karlove Vari**, poznatog banjškog i turističkog mjesta i jednog od najljepših srednjoevropskih gradova. Po dolasku obilazak centra Karlovih Vari, termalnih izvora,... U poslijepodnevnim satima povratak u Prag. Slobodno vrijeme za

individualne aktivnosti. U večernjim satima mogućnost organizovanja fakultativnog izleta **vožnja brodom Vltavom** – pogled na Prag iz jednog sasvim drugog ugla. **Noćenje.**

### 4. dan PRAG – DREZDEN – PRAG

**Doručak.** Slobodno vrijeme za individualne aktivnosti ili mogućnost organizovanja fakultativnog izleta u **Dresden**, grad na istoku Njemačke koji je zbog svog izuzetnog kulturnog značaja nazvan i Firencom na Elbi. Ovaj grad je prepun istorijsko-kulturnih spomenika iz srednjeg vijeka, kao i onih iz vremena jugend i bauhaus stilova, rođenih krajem 19. i početkom 20. vijeka. Po dolasku obilazak grada: opera Zemper, Palata Cvinger, Bogorodičina crkva, Dvorska crkva, Rezidencijalna palata u okviru koje je čuveni „Zeleni trezor“, palata Tašenberg, dio nekadašnjih gradskih zidina, Augustov most. Povratak u Prag u kasnim popodnevnim satima. Slobodno vrijeme za individualne aktivnosti.. **Noćenje.**

### 5. dan PRAG – BEČ

**Doručak.** Napuštanje hotela oko 10:00h i polazak prema Beču. Po dolasku u Beč, panoramski razgled u pratnji vodiča: Ring, Opera, Rathaus, Parlament, te šetnja preko Heldenplatza, Hofburga, Kohlmarkta, Grabena, do Katedrale. Kraće slobodno vrijeme u centru grada. Posjet Hundertwasser zgradi, te nakon toga polazak prema BiH oko 19:00h.

### 6. dan BANJA LUKA – SARAJEVO

Dolazak na odredište u jutarnjima satima.

## CIJENA ARANŽMANA: 329 KM

### U CIJENU ARANŽMANA UKLJUČENO:

- ◆ Prijevoz modernim turističkim autobusom
- ◆ Smještaj u hotelu 3\* u Pragu (van centra) na bazi 3 noćenja sa doručkom
- ◆ Obilazak Praga i Beča u pratnji stručnog turističkog vodiča
- ◆ Troškovi organizacije putovanja

### U CIJENU ARANŽMANA NIJE UKLJUČENO:

- ◆ Fakultativni izleti
- ◆ Putno zdravstveno osiguranje
- ◆ Individualni troškovi

### FAKULTATIVNI IZLETI

- ◆ Vožnja brodom Vltavom – 15 €;
- ◆ Karlove Vari – 25 €,
- ◆ Drezden – 30 €.

Minimum 25 prijavljenih putnika je potrebno da bi se fakultativa ostvarila, a u slučaju manjeg broja prijavljenih, cijena fakultative podložna je promjeni, koju putnici nisu u obavezi da prihvate.

### NAPOMENE ZA PUTOVANJE "PRAG"

- ◆ Rok za prijavljivanje je najkasnije 10 dana prije polaska na putovanje ili do popune mjesta.
- ◆ Potrebno je najmanje 40 putnika za realizaciju ovog putovanja.
- ◆ Uz blagovremeni upit, postoji mogućnost smještaja u jednokrevetnim ili trokrevetnim sobama.

### USLOVI I NAČIN PLAĆANJA

- ◆ Prilikom prijavljivanja i zaključivanja ugovora o putovanju, uplaćuje se akontacija u iznosu od 40% cijene a najkasnije 10 dana prije polaska na putovanje uplaćuje se preostalih 60% do punog iznosa cijene putovanja.
- ◆ Plaćanje može biti: 1) Avansno: a) gotovinom, b) uplatom na račun Kosmopolit-a  
2) Putem administrativne zabrane sa firmama sa kojima Kosmopolit ima potpisan ugovor.

### OPŠTE NAPOMENE ZA PUTOVANJA U ORGANIZACIJI KOSMOPOLIT-a

- ◆ Kosmopolit zadržava pravo da, u slučaju izmjene cijene prijevoza, izmjene deviznog kursa, nedovoljnog broja prijavljenih putnika i slično, izmjeni cijenu putovanja za odgovarajući iznos ili otkáže putovanje najkasnije pet dana prije polaska na putovanje.
- ◆ U okviru razgledanja gradova navedenih u programima putovanja Kosmopolit-a, nisu predviđene posjete ni obilasci enterijera javnih građevina, institucija i spomenika kulture, osim kada je to posebno naznačeno.

Uz program važe OPŠTI USLOVI PUTOVANJA turističke agencije Kosmopolit